

本命衰微劫殺亡神天羅地網或土木方隅
之有犯或水火囚獄之為災呪詛侵凌冤讎
報對箇凶罔測迷滯多端非賴懺陳曷由解
釋仰祈上聖俯鑑愚衷祈巨澤於方來赦多
愆於已往突隨電掃福逐雲生行藏消非橫之
虞視履納泰和之慶星辰順度運限開通一
切時中永依道蔭志心稽首禮謝
无上至真三寶

三啓頌 三禮謝
譯經 回向

○ 向來禮懺譯經功德已遂周圓恭對
道前特伸回向伏願

○ 三寶高尊九天聖雷部官衆三界萬靈同
賜鑑明普垂福佑降九霄五雷之炁敷錫其
人救千生萬劫之愆消除諸障恭望

天尊太慈天尊大聖隨心叶禱應念而成俾
今未身命永堅室家胥慶所求者遂所感者
通所欲者從所獲者却此生他世常遇
正因一切有情同登
道岸為上因緣稽首稱念

三清三境天尊
雷聲普化天尊
玄恩救罪天尊
福生無量天尊不可思議功德
雷霆玉樞宥罪法懺

正一天師清微弟子 洪百堅 製作
道教學術資訊網站

玉皇十七慈光燈儀

為一

入壇 淨天地呪

金闕玄霄主 高上玉皇尊 妙相冠諸天
慈光燭三界 具聖妙道師 天人仗仗師
大乘垂法語 真一指迷徒 功德若虛空

讚揚無窮盡

伏以燈然十七依稀開報喜之花光透九重
髮髯觀通明之殿首憑一炷上格叢霄具位
臣姓某謹與奉道某暨合壇眾等誠惶誠恐
稽首頓首遥望天階百拜上啓

○ 清微大道元始天尊太上道君靈寶天尊大
赤神寶道德天尊十七慈光穹蒼聖主玉皇
大天尊光嚴妙樂國王聖父天尊寶月光皇
后聖母元君太微妙德宮太聖皇太后禹餘
天妙靈無為大帝高虛清明天帝玉虛上
帝昊天上帝五老上帝天真大聖妙行真人
靈妃玉女慈悲度厄真人尋聲救苦真人濟
生度死真人萬福護身真人經筵啓問眾真
三界四府六合萬靈恭望鸞嘯鳳唱下天門
之九重龍戲麟盤降人間之五濁傾光寶焰

俯納芹誠有感斯通無任激切眾官再拜

雲輿 上香 獻茶 通意

臣聞瓊胎未判湛然道炁之含洪玉相漸分
昭若慈光之燦燦上照九天則輕清真位下
燭九地則重濁流形三辰以之而發輝萬彙
資之而化育被照燭者有生咸遂象輝耀者
無幽不開凡形圓於兩間悉光繫於一朗臣
等僭伸素瀆敢讚玉光蠲測海以深慚願薦
誠而少效恭逢吉旦然點明燈曲垂不宰之
仁洞察無私之禱奉道某等獲齒人倫傾心
道域感帝光而攝受恩功德以薰修德仗讚
揚少伸榮報今則飄經告畢法事將周爰露
赤心遙瞻丹陛然十七之慈光燈燈讚誄望
億千之儀仗渺渺迂臨伏願凡悃上通天光
下燭分輝蓬華祥開如意之光朗耀雲衢恩
迓殊常之澤有求斯應無願不從一歸圓滿
之中普入光明之內隨燈念善恪意精虔稽
首皈依無極大道

信禮無上大羅天十七慈光玉皇天尊

臣眾等志心皈命大神通光玉皇天尊

玄穹高上帝聖父天尊聖母元君玉光會
中一切諸靈官

伏聞無能聖主總元範於十方恢漢神通現
慈光於三界開明眾兆發育群倫先天地以
素存亘古今而不泯增輝造化之眼洞照天
人之心大哉靈輝昭然上境奉道某等久蒙
慈照深切恩休仗讚揚少伸善頌謹遵科
法崇建寶燈供養大神通光玉皇天尊聖
父天尊聖母元君玉光會中真靈真宰伏願
帝光攝受民欲俯從示大神通覆無私於天
下仗慈光力蘇有類於寰中致時雍庶躋民
仁壽同誠潔志謹為稱揚

信禮無上大羅天大神通光玉皇天尊

欽惟玉帝 放神通光 開明三景 普照十方
香嚴示現 聖德昭彰 無倫無等 難度難量
今辰弟子 敝建蘭場 燃燈祝讚 上格穹蒼
願垂鑑照 消諸不祥 延生度厄 長享安康
志心皈命 願得安康

臣眾等志心皈命大慈慈光玉皇天尊
聖父天尊聖母元君玉光會上一切神仙

諸靈官

臣聞金闕至尊心每懷於惻隱玉皇上帝光
示現於慈悲蒙照燭則俱賴於哀憐之中被
薰陶則均出於憐憫之下忠恕無忒寬裕有
容欲伸崇報之私當仗讚揚之禮奉道某知
恩有素報本無從爰仗黃冠皈依玄象謹依
科法崇建寶燈供養大慈慈光玉皇天尊
聖父天尊聖母元君玉光會中真靈真宰伏
願帝心廣運天道好還放慈慈光生意明蘇
於宇宙消軛軻厄休祥臻至於家門繁極鼎
安鴻居奠枕志心稽首同為讚揚

信禮無上大羅天大慈慈光玉皇天尊

欽惟玉帝 光放慈悲 上通乾象 下布坤維
顯幽蒙照 遐邇知皈 蠲消罪苦 蕩滌凶危
今辰弟子 虔告如儀 冀垂垂覽 允副禱祈
身受開度 心悟玄微 解除世厄 早證無為
臣眾等志心皈命大喜捨光玉皇天尊
聖父天尊聖母元君玉光會上一切神仙
諸靈官

伏聞庫藏財寶眷言曩日之博施饑饉瘡殘

感戴當年之周急信能喜捨誠非強為蓋德
蓄於中局故光垂於外境霽慈惠者不啻河
沙之衆沐利益者豈惟草木之群稱讚難窮
皈依莫盡奉道某等固形贅極依跡鴻慈茲
仗薰修少仰崇奉謹遵科法崇建寶燈供養

大喜捨元玉皇大天尊聖父天尊聖母元君
玉光會中真靈真宰伏願惟皇上帝降衷下
民錫羨洪基永置萬方之康泰流祥善會長
臻四序之和平九有騰耀三農告瑞皈依信
禮謹為宣揚

信禮無上大羅天大喜捨元玉皇天尊
欽惟玉帝福利無邊財能喜捨物被周旋
光輝三界照耀諸天博施區宇拯活黎元
今辰弟子篤意傾虔然燈祝讚保國綿延
願流道炁俾悟真玄普受闕度消蕩災愆
一心皈命願得延年

臣眾等志心皈命大忍辱元玉皇大天尊
聖父天尊聖母元君玉光會上一切神仙
諸靈官
伏聞天道不爭乃常開於善勝帝德廣運其

厚生以惟和蓋性稟於慈柔故光垂於忍辱
靜而能以制動柔而可以勝剛寬裕所以有
容忍則所以無辱卓哉重量允矣慈心人能
克之天則均也奉道某等賦形下品託跡中
區久被蔭休尚稽報效謹遵科法崇建寶燈

供養大忍辱元玉皇大天尊聖父天尊聖母
元君玉光會中真靈真宰伏願天心不棄常
造有容襟量恢恢俾福基之廣大慈心切切
冀業善以層高德與日新事隨心契虔恭稽
首謹為稱揚

信禮無上大羅天大忍辱元玉皇天尊
欽惟玉帝放忍辱光慈周塵界化及遐方
屏強用弱以柔制剛大哉洪量莫可尋詳
今辰弟子翹首穹蒼布恩有自介福無疆
願從吉旦消弭凶殃長皈慈覆永迓休祥

臣眾等志心皈命大平等元玉皇大天尊
聖父天尊聖母元君玉光會上一切神仙
諸靈官
臣聞權衡三界位高處於玄穹鑑鏡十方光
故垂於平等示天理本無於分別使人心無

有於黨偏得其旨則自無增高損下之私洞
其微則俱入大公至正之道令某思德感恩
報債難盡謹依科法修建寶燈供養大平等
元玉皇大天尊聖父天尊聖母元君玉光會
中真靈真宰伏願天光下燭帝命誕頒德被
生靈各保命根之固功濟天下俱逢時運之

亨同會風雲均霑雨露志心皈命謹為稱揚
信禮無上大羅天大平等元玉皇天尊
欽惟玉帝大平等光平平蕩蕩燁燁煌煌
大包天地細入毫芒玄穹委脫法界呈祥

今辰弟子遙仰神鄉傾誠敬信瀝懇穹蒼
冀垂福惠蠲弭災殃萬靈薦祉永保安康
臣眾等志心皈命大柔和元玉皇大天尊
聖父天尊聖母元君玉光會上一切神仙
諸靈官

臣聞上帝獨尊因何所以無寡至道無敵惟
柔可以勝強而從清靜之法身普現柔和之
光相得其芒則圓通溫雅蒙其耀則方寸慈
祥炳炳迄今煌煌自古奉道某等得生蒙蔽
適性豫遊恩立微勲恭酬大德謹遵科法崇

建寶燈供養大柔和光玉皇大天尊聖父天
尊聖母元君玉光會中真靈具宰伏願天心
昭格帝念矜憐霽以洪恩普感和平之化惠
其嘉澤俱全性命之生享及顯幽均蒙利樂
同誠潔志謹為宣揚

信禮無上大羅天大柔和光玉皇天尊
欽惟玉帝光放柔和開明有類洞照無何
和安天地柔攝邪魔境消疵癘時珍乖和
今辰弟子引頸彌羅冀安境土永息干戈
曲垂眷顧息免扎瘴時清道泰復見謳歌

○ 臣眾等志心皈命大自在光玉皇大天尊
聖父天尊聖母元君玉光會上一切神仙
諸靈官

臣聞帝臨有赫位高拱於通明道本無為光
故彰於自在任去來之可行可止由清濁之
或沉或浮有猷有為無星無礙達此機則無
施不可明其用則有礙皆通自然而無礙在
不在奉道恭等為人不敢倚帝垂休輒演燈
儀少伸芹意謹依科式建立寶燈供養大自
在光玉皇大天尊聖父天尊聖母元君玉光

會中真靈具宰伏願衍虛無道放自在光保
國寧家俾河清而海晏延齡益算冀物阜以
民康日親昇平身逢泰治志心皈命同為讚
揚

信禮無上大羅天大自在光玉皇天尊

欽惟玉帝位極宸樞去來自在變化無拘
光華霄漢炳耀天衢垂休上境錫貺綿區
今辰弟子誠悃虔摠上延命駕俯降塵居
冀羣休祉屏息災虞四時和靖萬咎禳除
○ 臣眾等志心皈命大利益光玉皇大天尊
聖父天尊聖母元君玉光會上一切神仙
諸靈官

臣聞三界宗師慈念蒼生而興方便意四生
慈父照燭法界而開利益門祥光放而日月
停輪惠力施而津梁彼岸凡在天光之下均
霑潤澤之仁聖德昭彰恩休廣博奉道恭叨
居聖域久被帝光非仗然燈曷伸報本謹遵
科式崇建寶燈供養大利益光玉皇大天尊
聖父天尊聖母元君玉光會中真靈具宰伏
願慈光洞照聖鑑昭垂身度千災富壽永臻

於丕既命延百福光華前偶於泰寧無有後
艱事懷多福皈依信禮謹為讚揚

信禮無上大羅天大利益光玉皇天尊

欽惟玉帝浩劫之尊光垂利益輝映乾坤
津梁衆此濟度群倫古今無爽巨細必均
今辰弟子翹首通明然燈念善薦款投誠
曲垂眷命錫注年齡消災度厄永保無傾
○ 臣眾等志心皈命大如意光玉皇大天尊
聖父天尊聖母元君玉光會上一切神仙
諸靈官

臣聞昊天不忒由內境之融明上帝是皇蓋
中心之洞徹淵鑑播無私之照輝華放如意
之光蒙其耀則無願不從被其輝則有求必
遂在在悉聞其契意人人俱獲於稱情聖德
難窮民心知仰奉道恭感承玄化思竭丹誠
仰仗微因恭酬洪造謹依科法崇建寶燈供
養大如意光玉皇大天尊聖父天尊聖母元
君玉光會中真靈具宰伏願帝臨有赫天聽
不遺善果圓成謀如心事如意靈苗不壞者
而艾壽而昌嘉與鷗盟樂依鴻覆皈依信禮

謹為讚揚

信禮無上大羅天大如意光玉皇天尊

欽惟玉帝體道鴻深先天性地無始無終
先放如意位極高穹有求斯應無願不從
今辰弟子遙想玉宮然燈供奉瀝懇虔恭

莫垂照鑑俯察卑悰延年益算消蕩災凶

臣眾等志心皈命大智惠光玉皇大天尊

聖父天尊聖母元君玉光會上一切神仙

諸靈官

臣聞智察幽微明若孔昭於天鑑慧通玄妙

誠何簡在於帝心智慧光照於遐方惠力輝

華於塵界悟真微則性天昭微得其理則心

地融明慧可成賢頑亦奉化弟子某範圍均

圓臨照普叨欲效皈崇當憑讚詠謹遵科式

崇建寶燈供奉大智慧光玉皇大天尊聖父

天尊聖母元君玉光會中真靈真宰伏願帝

光洞燭天鑒昭融咸履乾坤各遂生生之正

性常蒙豐裕俱明化之本元四序和平三

災不添齊心運念謹為宣揚

信禮無上大羅天大智慧光玉皇天尊

欽惟玉帝智慧圓通光施寰宇位處玄穹

功成不宰道價彌隆洞察幽隱昭鑒顯蒙

今辰弟子懇告虔恭諒垂佑下允納凡衷

三辰吐瑞九有和同永保元吉長謝年豐

臣眾等志心皈命大吉祥光玉皇大天尊

聖父天尊聖母元君玉光會上一切神仙

諸靈官

臣聞皇天眷佑惠迪吉放大光明惟帝念功

善降祥瑞希有相寶焰燦乾坤之眼昏昏可

使昭昭玉光鑒天地之心洞洞愈加屬屬有

類悉蒙於慈照無時不運於休祥化化生

仁仁壽壽奉道某心存妙道志切皈依馨露

丹衷上希玄鑒謹遵科法崇建寶燈供奉大

吉祥光玉皇大天尊聖父天尊聖母元君真

靈真宰伏願天光昭晏地紀安閑和氣致祥

每過身禁之會慈風及物時消疫癘之災富

壽康寧生成長養同誠潔志謹為宣揚

信禮無上大羅天大吉祥光玉皇天尊

欽惟玉帝應化法身吉祥光照垂及水清

天無氛穢地絕妖塵八遐瑞藹九有祥迎

今辰弟子樂道思真燈然寶炬齋潔片誠

莫垂昭佑保庇康寧元辰并護聖眼同明

臣眾等志心皈命大解脫光玉皇大天尊

聖父天尊聖母元君玉光會上一切神仙

諸靈官

臣聞清淨解脫光示現於一真聖智圓通道

總包於四大尊臨三界統御萬靈微芒解眾

苦之自纏靈耀釋群迷之自縛天光遠燭聖

澤遐霑凡與物靈俱蒙慈照今辰某陶形大

化稟命上玄返念皈依真酬恩報德謹遵科法

崇建寶燈供奉大解脫光玉皇大天尊聖父

天尊聖母元君玉光會中真靈真宰伏願天

心克享帝念允俞日益殊祥育黎元而有永

雲加巨庇保善信以無虞永洽太和潛消疵

癘志心稽首同為讚揚

信禮無上大羅天大解脫光玉皇天尊

欽惟玉帝解脫光明輝華玉宇照耀金庭

幽明仰賴今古攸遵有生咸遂無願不成

今辰弟子好道求靈經披本行燈供仙真

勤奉求度激切傾誠冀消災戾元亨利貞

臣衆等志心皈命大皈依光玉皇大天尊
聖父天尊聖母元君玉光會上一切神仙
諸靈官

臣聞歸心道域三千餘劫之修行依跡玄門
十七慈光之普照善心存於接引故光現於
皈依悟之者歸入有門解之者依求得路玄
玄妙旨燦燦慈光聖德昭彰靈機莫議奉道
甚感恩有日念道無時敬竭寸丹上崇圓碧
謹遵科法崇建寶燈供養大皈依光玉皇大
天尊聖父天尊聖母元君玉光會中真靈真
宰伏願不言善應有感斯通帝德光天撫五
辰而效順道風遐扇育萬物以皆昌解散苦
根消平劫難皈依信禮謹為宣揚

信禮無上大羅天大皈依光玉皇天尊
欽惟玉帝昔在清微心存接引光放皈依
洞明衆妙開悟群迷凡屬有類俱契無為
今辰弟子遙仰丹墀燈光照耀善信蒙禧
五星猶軌炳耀揚輝萬民康樂百禄攸宜
臣衆等志心皈命大功德光玉皇大天尊
聖父天尊聖母元君玉光會中一切神仙

諸靈官

臣聞忘功有功天功不宰上德不德帝德周
愆運仁慈惻隱之心現功德光明之相成天
立地陶古鑄今九有騰輝無一夫不被其澤
萬方還燦凡三界均沐其休物物生全人人
離苦奉道恭茅質弱雨露恩深庸假熏修
聊伸報效謹依科法崇建寶燈供養大功德
光玉皇大天尊聖父天尊聖母元君玉光會
中真靈真宰伏願舉六通力放百億光天道
高明透群生之長養帝恩遐邇樂四序以和
平時珍頓消宿殃清蕩度恭稽首謹為宣揚

信禮無上大羅天大功德光玉皇天尊
欽惟玉帝身自先天積功累德體道凝玄
光騰三界化洽八埏幽明仰賴今古攸傳
今辰弟子一心精專想瞻天極燈建法筵
願流道杰敷澤民編永消災厲常保靈年
臣衆等志心皈命大圓滿光玉皇大天尊
聖父天尊聖母元君玉光會上一切神仙
諸靈官

臣聞妙相冠諸天圓滿具足慈光燭三界克

備無虧玉毫放自於太微金色遍周於大有
沐浴燭則道心增長被輝耀則天理流行圓
融萬物而無黨無偏滿慰群心而有始有卒
奉道恭受中為命最下其人潔其己而瞻天
傾其心而事帝謹遵科法崇建寶燈供養大
圓滿光玉皇大天尊聖父天尊聖母元君玉
光會中真靈真宰伏願現圓滿相放大光明
拯護群倫錫恩休而不宰銓量品彙鑒善惡
以無私綿絡生根消穢劫運齊心運念謹為
聲揚

信禮無上大羅天大圓滿光玉皇天尊
欽惟玉帝昔在玄穹功圓行滿道備德充
慈光普照惠澤旁通熏陶天下宰制寰中
今辰弟子踈淪心曾存瞻丹陛崇報玄功
天心昭感民欲俯從時清道泰歲稔年豐
一誠專志願得長生
臣衆等志心皈命大無礙光玉皇大天尊
聖父天尊聖母元君玉光會中一切神仙
諸靈官

臣聞神機莫測有物必能有形光相自然無

為所以無礙玉輝流而無往不照金色現而有類咸亨開明衆妄之心昭示群迷之徑解之者去來無間悟之者變化自然以有漏身成無上道奉道其勤心事帝志意瞻天撥馬常羈豺獮效薦謹遵科法崇點寶燈供養大無礙光玉皇天尊聖父天尊聖母元君玉光會中真靈具宰伏願現有為相放無礙光道猶日中俾乾行之有慶德周天下庶坤載之常寧永戴玄恩長蒙慈惠同誠潔志謹為聲揚

信禮無上大羅天大無礙光玉皇天尊。欽惟玉帝體道自然至慈至聖先地先天潛心玉闕作世福田光騰無礙澤施有緣今辰弟子感戴上玄燈輝鶴焰香散龍煙上祈沖鑑介福無邊延生度厄消蕩逆遭。臣衆等志心皈命無能勝光玉皇天尊聖父天尊聖母元君玉光會上一切神仙諸靈官。臣聞天生神物物有定名帝運慈光光無能勝蓋妙用本從於柔弱故神通莫可以度量

大哉難思昭然示現達此理則寡可以敵衆喻此機則弱能勝強在物在人亘今亘古奉道其欽崇聖化願被真風爰啟華壇茲揚妙範謹依科式崇建寶燈供養無能勝光玉皇天尊聖父天尊聖母元君玉光會中真靈真宰伏願光無能勝惠有常施早迓鼎恩沐享衢之高步旋逢泰治弘壽域以咸躋羣及有生均膺嘉靖歸依信禮謹為宣揚

信禮無上大羅天無能勝光玉皇天尊。欽惟玉帝以道為心光無能勝澤有殊稱。肝脾天地涵蓄古今無聲無臭有本有根。今辰弟子思報玄恩燈筵敬建儀範昭欽。曲垂鑒映采錄凡忱三災電掃五福膺臻。舉至誠何以祝家國永安寧。

衆誦

大哉至道無宗上真上度諸天下濟幽冤。上無師祖惟道為身丹臺紫府金闕玉京。祕此妙法普福含靈滅我萬罪增我遐齡。萬神朝禮魔王保迎功德昌盛黃籙書名。渺渺億劫使我長存。

無上玉皇心印經

上藥三品神與氣精恍惚惚惚杳杳冥冥存無守有頃刻而成回風混合百日功成。默朝上帝一紀飛昇知者易悟昧者難行。履踐天光呼吸育清出入玄牝若亡若存。綿綿不絕固帶深根人各有精精極成神。神各有氣氣合體真不得其真皆是強名。神能入石神能飛形入水不溺入火不焚。神依形生精依氣盈不凋不殘松柏青青。三品一理妙不可聽其聚則有其散則零。七竅相通竅竅光明聖日聖月照耀金庭。一得永得自然身輕太和沖溢骨化寒瓊。得丹則靈不得則傾丹在身中非白非青。誦之萬過妙理自明。

次誦寶號 宣疏 向來

向來闡祝十七慈光寶燈功德並以周圍伏。以道假人弘是教因經而演教人能弘道必。先演教以談經經閱本行之章燈演慈光之。法庶知斯道弘闡在人臣等幸以宿緣叨蒙。慈照對十七寶燈而讚誦瞻上帝之化身俾。

百千品彙之含靈沐高穹之惠澤稽首皈依
元極大道稱念慈光朗照天尊不可思議功
德

玉皇十七慈光燈儀

十六

四燈儀同卷

為二

上清十一大曜燈儀

南斗延壽燈儀

北斗七元星燈儀

北斗本命延壽燈儀

上清十一大曜燈儀

法事如式

具位某誠惶誠恐稽首頓首再拜焚香上奏
三清上聖十極高真中天星主紫微大帝日
宮月府星君五星四曜星君南斗六司星君
北斗九皇星君周天二十八宿星君本命元
辰星君三官大帝四府真君五師三省真君
三界四府無鞅聖眾恭望聖慈洞回昭鑒
臣聞一晷乎晝一晷乎夜三光遞照於無窮
或降之祥或降之殃萬彙咸歸於有制轉分
至落閉而成歲司水旱饑穰以戒時并柱白
榆雖有雲霄之隔貴珠合璧曾無杪忽之差
是故瓊瑤玉衡則劍乎堯舜之朝銅儀木器
則備乎漢唐之世惟耀靈夜光之大德有五
色重輪以儲休惟陽紫天佐之威嚴有循軌

從舍以表異躡次斯顯分野允符理坎莫禮
神之方旂常標著明之象所以橫目宜觀於
經緯反身自省於行藏猶還十有二宮列布
十有一曜孰謂道分遠邇了不相關其如德
召吉凶動無弗應矧窮通感秉之匪或皆贏
縮運順之是絲既成賴於生成曷敢忘於奉
事今熊主某夙越靖館丕闡仙科仰觀靈游
撫塵凡而來下恭陳淨供昭悃幅以居歆稽
首歸依虔誠讚詠

臣某等志心皈命日宮太陽帝君日宮神
仙諸靈官

臣聞大明為衆陽之宗久照啓羣目之用推
原氣象內抱烏而外駕龍判立晨昏出神象
而入細柳萬里同晷五色開祥永惟聖神尚
每嚴於凡事嗟爾士庶宜若奉於君臨今照
官某肅啓誠心輒敢陳手非薦虔宣慈爰麻
上徹於叢霄稽首皈依虔誠讚詠
東望樽桑宮 稽首朝鬱儀 太陽洞明景
察察何所思 令我拜金色 候天望英姿
黃華將玉女 臨軒降此時